



Broj : 10/E-11-965/25
Sarajevo: 17-02-2025 godine

Na osnovu člana 10a. tačka d), člana 18. stav (2) Zakona o javnim nabavkama („Službeni glasnik BiH”, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za finansije od 10.02.2025. godine, Općinski načelnik d o n o s i :

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzimaju se pravne i notarske usluge, usluge vještačenja i usluge ovlaštenih procjenitelja, a koje se mogu nabaviti od fizičkih ili pravnih lica sa posebnim ovlaštenjima kao što su notari, vještaci i procjenitelji, u skladu sa propisima koji regulišu predmetnu oblast.

Član 2.

Postupak usluga iz člana (1) ovog člana, je u skladu sa članom 10a. tačka d) Zakona o javnim nabavkama, i izuzet je od primjene odredbi Zakona. Vrsta ugovora su usluge.

Član 3.

Procijenjena vrijednost nabavke bez PDV-a iznosi ukupno 30.000,00 KM. Predmetna nabavka je planirana u Budžetu Općine Centar Sarajevo za 2025.godinu, na budžetskom kontu: 613900. JRJN: 79130000-4 – Usluge pravne dokumentacije i ovjeravanja.

Član 4.

Kabinet općinskog načelnika – Odsjek za javne nabavke provest će proceduru izuzeća za predmetnu nabavku, shodno odredbama Zakona o javnim nabavkama ("Službeni glasnik BiH", br. 39/14, 59/22 i 50/24), koje se odnose na izuzeće od primjene Zakona, dok je za praćenje i realizaciju iste zadužena Služba za finansije, u skladu sa zakonom i općim aktima ovog Organa uprave.

Član 5.

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za provođenje predmetne nabavke. Sa fizičkim licima sa posebnim ovlaštenjima kao što su notari, vještaci i procjenitelji, će se zaključiti ugovor o djelu, a sa pravnim licima će se zaključiti ugovor o pružanju usluga. Svi zaključeni ugovori/računi će biti evidentirani u e-sistem javnih nabavki putem Portala javnih nabavki u roku od 30 dana od dana zaključenja ugovora, odnosno u roku od 30 dana od dana izdavanja računa.

Član 6.

Ova Odluka odluka stupa na snagu danom donošenja i ista će biti objavljena na web stranicu Općine Centar Sarajevo.

O b r a z l o ž e n j e

Na osnovu zahtjeva Službe za finansije od 10.02.2025. godine za pokretanje procedure javne nabavke pravnih usluga (notarske usluge, usluge vještačenja i usluge ovlaštenih procjenitelja), a koje se mogu nabaviti od fizičkih sa posebnim ovlaštenjima kao što su notari, vještaci i procjenitelji, u skladu sa propisima koji regulišu predmetnu oblast, Kabinet općinskog načelnika – Odsjek za javne nabavke pokreće predmetnu nabavku. Nakon što je Kabinet općinskog načelnika – Odsjek za javne nabavke izvršio provjeru svih elemenata za pokretanje postupka navedenih usluga, utvrđeno je da se navedene usluge izuzimaju od primjene odredbi Zakona o javnim nabavkama u skladu sa članom 10a. tačka d) Zakona o javnim nabavkama. Predmetna nabavka će se provesti u skladu sa odredbama

Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za provođenje predmetne nabavke. Sa fizičkim licima sa posebnim ovlaštenjima kao što su notari, vještaci i procjenitelji, će se zaključiti ugovor o djelu, a sa pravnim licima će se zaključiti ugovor o pružanju usluga. Svi zaključeni ugovori/računi će biti evidentirani u e-sistem javnih nabavki putem Portala javnih nabavki u roku od 30 dana od dana zaključenja ugovora, odnosno u roku od 30 dana od dana izdavanja računa.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. tačka d) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na ugovor o javnoj nabavci usluga za:

d) pravne usluge;

1) usluge pravnog zastupanja stranaka od strane advokata u arbitraži ili mirenju u Bosni i Hercegovini i drugoj zemlji ili pred međunarodnom instancom arbitraže ili mirenja;

2) usluge pravnog zastupanja stranaka od strane advokata u postupku pred sudovima ili organima uprave u Bosni i Hercegovini ili drugoj zemlji ili pred međunarodnim sudovima ili institucijama;

3) usluge pravnog savjetovanja koje advokat pruža tokom pripreme bilo kojeg od postupaka iz tačke a) i b) ovoga stava ili ako postoji konkretna naznaka i velika vjerovatnost da će pravna stvar na koju se savjet odnosi postati predmet takvih postupaka;

4) usluge ovjeravanja i potvrđivanja dokumenata koje pružaju notari;

5) pravne usluge koje pružaju skrbnici ili zakonski zastupnici maloljetnika ili druge pravne usluge čije je pružateljce imenovao nadležni sud u Bosni i Hercegovini ili su određeni zakonom za izvođenje određenih zadataka pod nadzorom tih sudova;

6) druge pravne usluge koje su u Bosni i Hercegovini povezane, čak i povremeno, s izvršavanjem službenih ovlaštenja.”

Predmetne usluge se mogu obezbijediti od isključivo od fizičkih ili pravnih lica koja imaju posebna ovlaštenja, te je konstatovano da notari, vještaci i ovlašteni procjenitelji, imenovani posebnim zakonskim odredbama mogu pružati predmetne usluge, u skladu sa iskazanim potrebama ugovornog organa. U skladu sa članom 18. stav (1) i (2) a u vezi sa članom 10a. tačka d), kojim su propisana izuzeća od primjene odredbi ovog zakona, utvrđeno je da su ispunjene pretpostavke za donošenje predmetne odluke. Predmetna nabavka će se provesti sa fizičkim ili pravnim licima koji imaju posebna ovlaštenja (notari, vještaci i procjenitelji). Sa fizičkim licima sa posebnim ovlaštenjima kao što su notari, vještaci i procjenitelji, će se zaključiti ugovor o djelu, a sa pravnim licima će se zaključiti ugovor o pružanju usluga. Svi zaključeni ugovori/računi će biti evidentirani u e-sistem javnih nabavki putem Portala javnih nabavki u roku od 30 dana od dana zaključenja ugovora, odnosno u roku od 30 dana od dana izdavanja računa. Za praćenje i realizaciju navedenih usluga zadužena je Služba za finansije. Nadležne službe će će izabrati notara, vještaka kao i procjenitelja, na način koji osigurava transparentnost i efikasnost, te sve ponude za pojedinačne usluge, u skladu sa obezbijeđenim sredstvima biće zaključeni ugovori. Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar za 2025. godinu, na budžetskom kontu: 613900.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću na konačno odobravanje i saglasnost. Cijeneći prethodno navedeno, donesena je Odluka kao u dispozitivu.

Dostaviti:

1. Kabinetu općinskog načelnika – Odsjeku za javne nabavke,
2. Službi za finansije,
3. Evidenciji

